

**NOPA MINISTRA KATI ITOKAJ SOCORRO ROVIROSA, KATI MIXPANEXTIK
IPAN NE ORGANIZACIÓN DE LAS NACIONES UNIDAS (ONU) KATI
“KIREPRESENTAROJ” TOMEXKO TALLI, KATI ELTOK NE NUEVA YORK, NE
ESTADOS UNIDOS, KEMAN KISELIJKEJ NI AMAT DECLARACIÓN SOBRE LOS
DERECHOS DE LOS PUEBLOS INDÍGENAS IPAN NE ASAMBLEA GENERAL DE
LA ONU.**

Toaui Presidenta:

Tiknekij timitsilisej ke nikan ipan Mexko moueyichiua ni amat kati mokajki kimanauis nochi derechos de san maseualtsitsin kipiayaj kati itstokej ipan comunidades.

Ne ueyi tekichijket kati itstok ipan Mexko talli, yolpaki pampa nikan ejeliuis itstokej miyak san maseualtsitsin. Yolpaki pampa aman kiiluichiusej ne independencia keman nopa san maseualtsitsin nel kinixpanoyayaj koyomej uan fieroj kinpixtoyaj, tateuijkej uan miyak mijkej para ma kinkauakaj itstosej kualli, ni iluit kitokaxtisej *Bicentenario de la Independencia*. Ni tekichijket kati itoka kobierno de nochi ni Mexko talli, paki uan kinueyichiua ni san maseualtsitsin, pampa ininjuantin achtoui ajsikoj uan kitankej ni talli kati itokaj Mexko.

Ni Mexko talli takatki pampa nopa san maseualtsitsin tekitikey miyak uan kimanauikej nochi ten kipixtoyaj entes ne achiya, kenamej kenijkatsa itstoyaj, kenijkatsa mopajtiyayaj, kenijkatsa kineltokayayaj se tamanti keman momachtiyaj tiopan, kenijkatsa monauatiyayaj, yeka aman ipan ni Mexko talli tikpiyaj nochi ni tamanti smante ipati, uan yeka kichiua ni Mexko talli iyojtsin amo onka seyok taltipakti kati kipiya ten Mexko kipiya.

Ni amat kati itoka Deklarasion, kiseliaj tekichiuaniy kati itsokej Mexko uan kitemoaj ma motepanita kenamej kiijtoa ne Konstitusion de los Estados Unidos Mexicanos nikan Mexko uan sekijnok amat kati kichijchiusej tekichiuaniy uan kitemoaj san se tamanti.

Ipan ni Mexko talli nopa tekichiuaniy kiani kiitaj ma eli ten ni Deklarasion kinauatiya:

1.- Kitemosej ma nopa san maseualtsitsin ininseli ma monauatikaj ipan ininkomunidades, pampa kiani kiijtoa ipan artículos 3, 4 uan 5 ipan nopa Deklarasion, mochiuas kej kiijtoa nopa konstitusion ma kuali ma mouikakaj tekichiuaniy ininuaya san maseualtsitsin ipan nochi ni Mexko talli.

2.- Ten kiijtoa nopa artículos 26, 27 uan 28 ipan ni Deklarasion, kiijtoa ke nopa san maseualtsitsin kualtiyas kitekiusej inintal kej ininjuantin kinekisej uan sekijnok tamanti kati kualtiyas para kitekiusej keman mochantisej, moneki kitepanitasej ten kiijtoa tokonstitusion, uan sekijnok derechos kati kipiayaj sekijnok maseualmej. Uan ten kiijtoa nopa artículos 27 uan 28 ke keman kikualchijchiusej se kualanti de talli moneki kitachilisej uan kichiuilisej kuentaj nopa ten kiijtoa tokonstitusion.

3.- Nochi ten kitemoa ni Deklarasion mopaleuijtok ika nopa konstitusion, pampa kintepanitaliaj derechos de san maseualtsitsin, nopa in *Derechos Humanos*, uan kineki ma kualli itstokaj san maseualtsitsin, nelkitsonkixtiaj ma kualli itstokaj siuamej kati san

maseualtsitsin, uan san se ma moitakaj siuamej uan takamej pampa kipiay san se ininderechoj.

Taskamati